

新刻出像增補搜神記

新刻出像增補搜神記卷之四

金陵三山對溪唐冑春校梓

目錄

靖注武帝

常州武帝

楊州五司徒

西楚霸王

義勇武安王

關公

零陵王

惠應王

威惠顯聖王

伍子胥

金山大王

萬迴觀國公

趙元帥

彭元帥

潤澤侯

威濟侯

靈派侯

崔府君

伏波將軍

密都統

宋刺史

甘大夫

陸大夫

杭州蔣相公

萬里相公

祖將軍

花卿

華山之神

聶家香火

蔣莊武帝



蔣莊武帝

建康府蔣莊武帝諱子文揚州人也漢末為秣陵尉
逐賊至鍾山下擊傷額而死焉及吳先主之初其
故吏見子文於道乘白馬執白羽扇侍從如平生
故吏見而驚走子文追謂之曰我當為土地神以
福尔下民為吾立廟不尔使虫入人耳為灾吳主
以為妖言後果有虫入人耳死者甚衆鑒巫不能
治又云不祀我當有大火是歲數有火灾又云不
祀我當有大疫吳主患之封中都侯加印綬立廟
於鍾山下更名山曰蔣山表其靈異晉蘇峻之難

帝夢將侯曰蘇峻爲逆當助共誅之後果斬峻加封相國大元中符堅入寇望見王師部陣齊整又見八公山上草木皆類人形憮然有懼色初會稽王導聞堅入寇以威儀鼓吹求助於蔣山神及堅望之若有助焉宋高帝永初二年詔禁淫祠自蔣子文以下皆絕之加至相國大都督中外諸軍事封蔣王齊永明中崔慧景之難迎神還臺以求福助事平乃進帝號復新廟宇以廟門爲靈光門中門爲興善門外殿曰帝山內殿曰神居梁武帝常祠而不應遣使以焚其廟未及中途忽風雨大作振動宮殿帝懼祠之乃止南唐謚曰莊武帝更修

廟宇徐鉉奉勅撰碑備載其事因宋朝會要曰開
寶八年廟火雍熙四年重建景祐二年陳公執中
增修請於朝賜廟額曰惠烈

本朝洪武二十年改建於鷄鳴山之陽劉三吾奉
勅撰記土人曰十廟此其一也

常州武烈帝

世宗本紀卷之四



常州武烈帝

忠祐武烈大帝姓陳諱果仁字世威常州晉陵人也
聖祖嵩仕陳為羽林郎父季明拜給事中帝於梁
太清三年己巳三月望日午時誕生英姿照人有
鬬角匿犀之異衆皆奇之八歲能屬文十三徧讀
諸史陳太帝天康元年舉進士第對策玉階年甫
十有八授監察御史遷江西道巡察大使帝智勇
絕人精深韜畧仕陳二十有五載以孝以忠德惠
萬民威名滿天下入隋不仕煬帝南遊江都群盜
並起帝聞其名詔令討盜俾除民害義不可辭奉

命而起大業五年授秉義尉平長白叛寇進朝請
大夫平江寧樂伯通叛徒十萬授銀青光祿大夫
平東陽婁世幹賊衆二十萬召入拜大司徒大業
末沈法興起兵吳興謀據常郡包藏禍心陽為依
附時賊帥李子通集衆數萬屯江北與法興陰為
應援懼帝威勇不敢渡至唐高祖武德二年庚辰
五月十八日法興詐稱疾亟走告於帝不得已往
問疾飲酒中毒馳歸時有高僧凜裨師以醫名亟
召之治療其法當於閒窳無人處水滌腸去毒帝
室沈氏至池上潛窺而觸之帝知不可為遂囑附
凜裨師及軫張二妃婢施所居第并南帑為精舍

東第為崇釋觀言訖而薨享年七十有二法興間
之自謂得志豈知帝英爽如在忠節愈勵一日黑
雲蔽空風雨晦冥忽見形威發一神矢射薨法興
寇衆四清其護國威靈有如此者唐天子封忠烈
公碑封福順武烈王后周加以帝號宋宣和四年
賜廟額曰福順

武烈顯靈昭德大帝

武烈沈后

軫后
贊出張夫人

神父啟靈侯

神母懿德段夫人

神繼母嘉德伊夫人

神子贊惠濟美侯

次子協應濟順侯

神孫處士

佐神柴大尉名克宏封壩靈將軍

揚州五司徒

卷之四



揚州五司徒

揚州英顯司徒茅許祝蔣吳五神居揚州日結為兄弟好畋獵其地舊多虎狼人罹其害山溪畔遇一老婦五神詢問孑然無親餓食溪泉五神請於所居之廬拜呼為母侍養未乂或出獵而婦不見其母五神曰多被虎啖俱奮身逐捕山間有虎迎前伏地就降由此虎患始息后人思其德義立廟祀之凡所祈禱隨求隨應廟今在江都縣東興鄉金匱山之東至隋煬帝時曾護駕有功封號司徒唐加侯璽宋至紹定辛卯逆賊李全數來寇境禱於

神不吉以神像割破之不三日全被戮於新塘肢
體散落猶全之施於神者賊平帥守趙公范親率
僚屬致享祠下以答神貺撤其廟而增廣之錄其
陰助之功奏請於朝賜廟額曰英顯加封至八字
侯後平章賈公似道來守是邦有禱於神者遇旱
暵則飛雨憂霖潦則返照救焚則焰滅散雪則瑞
應其獲國祐民無時不顯復為奏請加封王號

第一位靈威忠惠翊順王

第二位靈應忠利輔順王

第三位靈助忠衛佐順王

第四位靈佑忠濟助順王

第五位靈勇忠烈楚項王

西楚霸王

卷之五

項羽

七



西楚霸王

西楚霸王項王羽也廟在和州東北四十里即其所
不渡之烏江也山不高而草木蓊鬱冷然殺氣奪
人雖守者結茅山之麓不敢近焉舊傳廟面江覆
舟為梗有遁客以漢家今已屬他人之句慰之廟
為易向宋紹興金主亮欲渡江乞杯琖不從亮怒
令焚廟俄有大蛇遶出屋梁殿後林木鼓噪發聲
若數千兵亮大驚左右駭散去許表詩

千載興亡莫浪愁

漢家功業亦荒丘

空餘原上虞姬草

舞盡春風未肯休

義勇武安王



義勇武安王

五月十三日生

義勇武安王姓關名羽字雲長蒲州解良人也當漢末與琢郡張飛佐劉先主起義兵後於南陽卧龍岡三謁茅廬聘諸葛孔明宰割山河三分天下國號為蜀先主命關公為荊州牧不幸呂蒙設計公乃不屈節而亡追贈大將軍葬於玉泉山土人感其德歲時奉祀焉護國祚民廟額曰義勇武安王宋徽宗加封尊號曰崇寧至道真君

零陵王

卷之四

九



零陵王

王姓唐諱世旻字昌圖本零陵人也世居永州府西南之龍洞唐昭宗時盜起世旻結鄉兵保里閭刈建鋒舉為永州刺史光化初馬復攻之不屈而死後或聞鉦鼓声且数晝見嘗有一木自洞流出止於石荆峰人送之中流詰旦復還如是者数四適天旱禱而雨遂取其木像而祀之今府城南及石荆岬俱有廟甚靈應湖南馬氏享以王爵後宋亦累封焉

出像增補神記

惠應王

卷之四

十



惠應王

姓歐陽名祐溫陵太守也丹次邵武之大乾河溺死後人立廟大乾祀之極為神異水旱祈禱其應如響撰謁夢錄宋李綱嘗謁廟夢神延接讓以主位綱固辭神曰他日更使主盟及為相值神加封果典署名葉祖洽赴省試夢神將犬肉一片置几上命食之又指殿下竹一束示之莫曉其義明年作大魁方悟一片犬肉置几上乃狀元二字前者廷對皆出賦題至是始問策竹一束者策字也如此類者不可勝紀今廟曰惠應

威惠顯聖王

出作土才不富二



威惠顯聖王

神姓伍名員字子胥楚大夫奢之子也平王听讒殺
員父奢兄尚子胥奔吳言伐楚之利吳與楚戰果
勝焉吳遂入郢負掘平王屍鞭之三百吳伐越勾
踐棲于会稽求為臣妾吳王許之子胥諫不听太
宰嚭譖負王使賜之屬鏹以死將死曰吳其亡乎
吳王聞之怒乃取負屍盛以鴟夷革浮之江中吳
人憐之為立祠江上廟號曰

威惠顯聖王

金山大王



金山大王

大王姓霍諱光即漢之大將軍也者舊傳云吳主皓染病甚煩燥不自禁勅百官過禮靈祠顯廟固應忽一日五更夜色將闌晨光欲燦有神附小黃門云病愈病愈司巫者曰汝何神執何事而報是吉凶也神曰臣漢之霍光也金山鹹海風潮為害當統部屬鎮之來為陛下報吉翌日皓疾果愈遂為立廟於嘉興之海鹹縣治東賜廟額曰顯忠俗呼曰金山大王

萬迴號國



萬迴號國公

萬迴公者號州閬鄉人也姓張氏唐貞觀六年五月
五日生生而癡愚至八九歲方能語嘯傲如狂鄉
黨莫測一日令家人洒掃云有勝客至是日三歲
玄壯自西國還訪之公問印度風境了如所見壯
作禮稱是菩薩有兄萬年久征遼左母程氏思其
音信公曰此甚易爾乃告母而往至暮而還及持
書鄰里驚異左右神兵侍衛崇儼咸亨四年高宗
召不應武后賜錦袍玉帶景雲二年十二月八日
師卒於長安壽年八十時異香氤氳來贈司徒號
國公

趙元帥



趙元帥

三月十五日生

姓趙諱公明中南山人也自秦時避世山中精修至
道功成奉玉帝旨召為神霄副帥按元帥乃皓
廷霄度天慧覺昏梵炁化生其位在乾金水合炁
之象也其服色頭戴鐵冠手執鉄鞭者金遘水炁
也面色黑而鬚鬚者土炁也跨虎者金象也故此
水中金之象躰則為道用則為法法則非雷霆無
以彰其威泰華西臺其府乃元帥之主掌而帥以
金輪稱亦西方金象也元帥士奉天門之令東後
三界巡察五方提點九州為直殿大將軍為北極

將御史一漢祖天師修煉大丹竈神奏帝請元猛
神為之守護由是元帥士奉玉旨後正一玄壇
趙元帥正則萬邪不干一則純一不二是職至重天
師飛昇之後永鎮龍虎名山厥今三元開壇傳度
其超善建功謝過之人及頑冥不化者皆元帥掌
之故有龍虎玄壇實賞罰之一司部下有八王猛
將者以應八卦也有六毒大神者以應天煞地煞
年煞月煞日煞時煞也五方雷神五方猖兵以應
五行二十八將以應二十八宿天和地合二將所
以象天門地戶之闔闢水火二營將所以象春生
秋殺之往來驅雷後電致雨呼風除瘟剪祟保病

攘災元帥之功莫大焉至如公訟冤抑神能使之
解釋公平買賣求財公能使之宜利和合但有公
平之事可以對神禱無不如意一士天聖號一高
上神霄玉府大都督五方之巡察使九州社令都
大提點直殿大將軍主領雷霆副元帥北極侍御
史三界大都督應元昭烈侯掌士定命帳設使二
十八宿都總管上清正一玄壇飛虎金輪勅法趙
元帥

彭元帥



彭元帥

元帥姓彭氏諱廷堅嘗尹崇安縣平詣寇盜如摧枯
拉朽有功元至正中累官福建宣慰司副都元帥
時群寇竊發彭一一削平後以馬蹶遇害群盜創
之屍僵立不仆双目上指鬚髮偃動如風颺上盜
不敢近逼者移時事息故吏奉其柩還崇安民哀
慕如喪父母立祠肖像以求其祀歲時祭享凡水
旱疾疫趨走祈禱神為降靈如響俗呼之曰彭元
帥延及傍邑祠像靈應兩如之

潤濟侯

世宗憲皇帝御製

卷之四

七



潤濟侯

侯神後魏賀虜將軍也諱原嘗師行屯汾州之白彪山苦燥渴不得水軍心恟上侯為飯度下馬禮天顧神以死自誓忽馬跑地出泉自是靈源融液灌漑者資之功利及物久而不磨邑人為立廟於白彪山之前靈應特異宋賜廟額曰永澤封神為潤濟侯

本朝洪武十一年號曰白彪山馬跑泉之神有司春秋致祭

臧濟侯



威濟侯

侯姓李諱禄安吉州長興縣重莊人也於宋徽宗崇寧三年正月十八日甲申生長而異稟性質頗重語不妄發鄉社之人遇有休咎禍福之將至輒能前知而告戒之年十八當宣和三年三月忽預告鄰里鄉社云吾將往山東膠西為國家幹事恐須數年方歸遂端坐而逝其後數有靈跡見於本鄉如年穀之豐凶蚕麥之得失皆以傳之巫覡殆若印券契鑰不差毫厘於是父老相率為立香火之地而祠祭之寧宗賜廟額曰顯應理宗封威濟侯

靈派侯



靈泚侯

李琚本衛州三用人也周世宗朝為將善騎射於國
有功後因病至重有問疾者其衆公無別語告衆
曰我授山東滌河將軍也言訖公卒焉後人立祠
於此至唐玄宗開元年封為

靈泚將軍至宋真宗大中祥符八年封為

靈泚侯

崔府君



崔府君

崔府君者乃祁州鼓城人也父讓與妻虔誠禱於往
岳祈嗣是夜夫妻夢一仙童手擎一合崔讓問之
童曰帝賜合中之物令君夫妻吞之言訖舉人蓋
視之見美玉二枚夫妻各吞其一覺后有娠十月
滿足於隋大業三年六月六日降生一子神彩秀
異於常人幼而後學日誦千言不窺群子之戲因
名子玉時

唐太宗貞觀七年詔舉天下賢良赴都朝廷任用府
君公在內焉各賜縣令出身府君除潞州長子縣

令正直無私察同秋毫郡人皆言知縣盡理陽間
夜斷陰府時五月初間知縣示諭邑人此月望日
及望後一日無得殺生及獵射如犯者官中決折
陰府理問時有潛出廊外射得兔一隻入城門吏
搜住執於庭下問之曰尔等故犯欲以縣庭受罰
陰府受罰其人云乞於陰府受罰以為陰理將遠
言訖各放還家是夜方就枕俄有一黃衣吏喚二
人至於公庭一而廳上却見崔知縣王者冠服檢
諸人罪狀或促其壽或墮其子孫或減其食祿汝
輩善惡自當裁之令還本家遂驚而覺其人乃異
之忽一日門吏報曰鵬黃嶺有猛虎攔路傷人公

遣首吏孟完賫符牒至山廟勾虎其虎出自啣符
牒隨吏而至公所崔公責之曰汝乃異類食啖人
命罪當如何其虎聞之觸階而死邑人立生祠祀
之貞觀十七年遷磁州滏陽縣令整太宗陰府君
在之事決楊叟二子負債之寃後遷衛州衛縣令
與奕碁人楊叟同赴任所西南五里有河時夏月
水汎漂渰民田公於河上設壇致詞奏於上帝少
頃間有一巨蛇浮於水面而卒水漸散去郡人亦
立生祠祀焉一日公與楊叟奕碁忽有黃衣數輩
執符而言曰吾奉

上帝命云云次有玉珪玉帶紫服冠簪秀衣五岳衛

旗又有百餘人皆拜畢而立奏簫韶綠竹之音樂
復有一神取白馬至府君曰汝輩少待遂呼二子
曰吾將去世無得大慟取紙筆寫百字銘以訓其
子二子泣拜而授命言訖而卒在世六十四年后
玄宗值祿山亂夜夢神人告之曰願借下駕不可
別方此賊不乂而滅又何避之帝問姓名曰臣乃
磁州滏陽令崔子玉帝驚覺后果如其言駕歸闕
下建廟封靈聖護國侯至唐武宗天下大水漲溢
禱之乃止加封護國威應公

宋真宗加封 護國西齊王至

高宗避難走鉅鹿馬斃冒雨獨行暮宿大姬家姬約

五鼓以皂褱羃帟置馬上請行稍前遇三岐路或
馬忽見白馬帝異之蹕其后晚至靈祠廡下有土
馬撫之汗如雨因宿夢青衣紫袍人杖擊地促其
亟行驚起遲明發眠紙亭祝板題云磁州都土地
崔府君俄聞玃垺声乃登殿觀像如夢中所見寂
無人惟几上有合内有酒食帝食之將出馬白馬
復前導至斜橋谷馬忽不見益異之而從臣耿南
仲將民兵數千來迎及南渡首為立廟賜額曰顯
衛

伏波將軍



伏波將軍

將軍即漢馬援也南服所在祀之廟在思南府故思
州者靈應尤著相傳宋時土人田氏婦夢援來居
其宅及娩而生男名祐恭祐恭生有明識為畚部
長徽宗朝內附建炎初受命破劇賊王闢等保安
蜀境璽書嘉勞田氏得世為恩州守維時祠不復
靈及祐恭卒人有見其歸於馬援祠者自後祠之
靈應如初而田之后代有異才人以是知祐恭之
生而歿蓋援之出而歸也

密都統



密都統

都統姓密名佑廬州人也神廟在進賢縣西四十里
許按傳宋咸淳中密佑為江西都統无兵至隆興
佑逆戰至龍馬坪无兵圍之數重佑告其部曰今
日死日也若力戰或有生理衆力戰死者過半佑
被執元將欲降之終不屈又令其子說之曰父死
子安之佑斥曰汝荷乞於市第云密都統子誰不
憐汝也怡然就死土人因立廟戰所有禱必應靈
感倍常

宋刺史



宋刺史

刺史姓宋名益晉青州人也官番禺刺史後棄職隱黃梅縣之黃齡洞有道術能役鬼神救人疾疫罔不靈驗歿而為神人有見其出入者導從如生平乃為立祠洞前以昭其祀歲旱禱雨屢禱屢應如持券而索之人無不與者唐封顯應侯宋加封靈濟昭德顯應侯元加封惠蔭善濟顯應侯廟祀祀而重新者代上皆然

本朝重建止稱宋刺史之廟

耳大夫



甘大夫

大夫姓甘名卓晉時人按傳卓從元帝渡江有功拜豫章太守察民所歆惡而聚之去之政通民和大有治績後領兵萍鄉東死於王敦之難廟食於萍鄉縣之東五十里蓋即其死所也靈應顯著赫耀一方宋時嘗苦旱魃屢月不雨有司遍禱無驗父老有以甘大夫為言首時郡守祖無擇從之沐浴齋戒往謁祠下大雨如霖賴以有秋代加封號本朝重建祠宇有司春秋祭祀

陸大夫

卷之五

七

七



陸大夫

廟在德慶州之錦石山下有靈應為鄉民福區按夷
堅志漢陸賈使南越尉陀與之泛舟至此賈嘿禱
曰我若說越王肯稱臣當以錦裹石為山靈報使
還遂募人植花卉以代錦後人因之廟祀之宋乾
道間梁竑入都艤舟石下夜夢一客自称陸大夫
云我抑鬱於此千餘歲矣君幸見臨願畱一詩竑
覺異之遂禮其廟題詩於壁上而去父老相傳錦
石山因陸賈使南越時設錦繡幃帳於此而得名
姑記此以附

杭州蔣相公



杭州蔣相公

神姓蔣世為杭州人生宋建炎間樂於每秋成糴穀預儲貴則賤糶如元價歲歉或捐以予饑者死時祝其二弟曰頃存仁心力行好事里人相與塑其像以報仁心所趨靈應如響祈卜者有相摩感淳初賜廟額曰廣福六年安撫潘說友請於朝封神及二弟皆列侯曰

第一位孚順侯

第二位孚應侯

第三位孚祐侯

高里相公

十一



蒿里相公

蒿里起相公者乃長安蒿里村人也世本農粟耕鋤
為公業習科舉登第為人鯁直無私累陳諫事不
听公乃觸階而死郡人立其祠今在長安西二十
里有墳亦在左道睿宗延和年封公為
直列侯俗呼為相公也

祖將軍

東坡先生詩集

卷之四

三



祖將軍

將軍不知何許人亦未詳其姓字廟獨立於九江之
景星湖塑像儼然代著靈驗居民及舟行者禮拜
必慎按唐歐陽詹集云魯國顏公頌為湖州牧州
產碑材公載石還次江州蛟奔螭引直至湖心則
茂林峭石勢環氣勝有神祠曰祖將軍廟公捐金
建亭名曰祖亭製文勒碑以紀其事昔人過其廟
有詩云

青山出沒無還有
為問將軍當日事

綠水浮沉去亦來
却憐埋骨洞庭隈

花卿



花卿

卿姓花名敬定本長安人也廟在眉州之東館鎮按
傳花敬定唐至德間從崔光遠入蜀討段子璋有
功封嘉祥縣公後又與巨寇相持力戰疾呼從辰
入酉部伍已潰落殆尽卑屈靡靡已喪其元猶騎
馬荷戈至鎮下馬沃盥適浣紉女語曰無頭何以
盥為遂僵仆居民燕之溪上歷代廟祀之靈跡顯
赫杜甫歌

成都猛將有花卿

學語小兒知姓名

用如鷹鵠風火生

見賊惟多身始輕

華山之神



華山之神

神有三一晉浮丘翁一其徒王褒一其徒郭似時稱
華蓋三仙道場在撫州之崇仁仙華山傑構為祠
高聳雲表大著靈迹士庶之災異疾疫咸趨禱祠
下禱者先期齋戒至期執香帛行如貫珠來則馳
道去者但拱立道左無敢僭越阿跡之聲連闕四
野頗類泰岳太和山之禱謁者然昔人有詩云
踞翻碧澗泉中石 飛透丹霞洞裏天
更問浮丘何所事 好來東去看蒼田

聶家香火



聶家香火

香火姓聶族于南昌之王家渡相傳聶上世一老嫗甚賢時有精風鑑者往來止宿其家嫗禮之始終不倦急其人嘗謂嫗曰當厚報汝家後果指點一穴授之葬且祝曰願代上陰官自是聶家每代出一靈神顯化感應鄉人爭祀之有聶大官冠服如生聶二官聶三官聶四官聶五官聶六官俱戎裝擐甲又有聶九舍人最幼小為神時人噪呼曰聶家香火